

SABAH¹

5. Baca petikan di bawah dengan teliti, kemudian nyatakan peribahasa yang sesuai bagi mengisi tempat kosong dalam petikan tersebut.

- Vivian : Peralatan sukan di stor sudah lama tidak digunakan akhirnya diketepikan sebaik sahaja mendapat peralatan baharu ibarat.....
(i).....
- Meltivence: Hal ini dapat dikaitkan dengan peribahasa (ii)..... kerana peralatan sukan itu bukan sahaja lama malah memerlukan kos baik pulih yang tinggi pula.
- Vivian : Namun, bukankah peralatan ini masih boleh digunakan untuk melatih atlet pelapis? Kita janganlah suka membazir. Kita perlu berpegang pada prinsip.....(iii)..... atlet pelapis .tidak perlu membeli peralatan sekali gus beban kewangan untuk membeli peralatan baharu juga dapat dielakkan.
- Meltivence : Betul tu. Cadangan ini akan saya bawa kepada pengetahuan pengetua.

[6 markah]

Skema

Soalan 5 – Peribahasa

- (i) sudah dapat gading bertuah,tanduk tidak berguna lagi
- (ii) sudah jatuh ditimpa tangga
- (iii)tiada rotan akar berguna juga

Maksud

- (i)Apabila memperoleh barangan yang lebih baik,barang yang lama tidak diperlukan lagi.
- (iii)Kalau tiada yang baik, maka yang kurang baik pun boleh juga

KUALA LUMPUR

5. Baca petikan di bawah dengan teliti, senaraikan peribahasa yang terdapat dalam petikan. Kemudian bina ayat menggunakan peribahasa tersebut.

Semangat kejiranan merupakan perkara penting dalam kehidupan bermasyarakat. Jiran merupakan orang yang tinggal berhampiran dengan rumah kita. Perbezaan agama, bangsa, adat dan budaya tidak seharusnya dijadikan sebagai sempadan untuk memisahkan atau menjadi benteng daripada amalan hidup sesama jiran tetangga kerana bersatu kita teguh, bercerai kita roboh. Mungkin alasan kesibukan seharian dalam mengejar karier masing-masing menyebabkan amalan kejiranan semakin dilupakan. Setiap anggota masyarakat janganlah mementingkan diri sendiri bagai enau dalam belukar, melepaskan pucuk masing-masing. Selain itu, perkembangan teknologi pada hari ini juga menjadi penyumbang kepada kealpaan masyarakat terhadap amalan hidup berjiran. Oleh itu, jiran tetangga perlu mengamalkan amalan bertegur sapa seperti bertanya khabar atau bertukar-tukar pandangan supaya hubungan kejiranan semakin rapat bagai isi dengan kuku.

[6 markah]

SKEMA

5. Peribahasa

- (i) Bersatu kita teguh, bercerai kita roboh – Masyarakat majmuk di negara kita hendaklah bersatu padu kerana bersatu kita teguh, bercerai kita roboh.
- (ii) Bagai enau dalam belukar, melepaskan pucuk masing-masing – Hubungan antara jiran semakin renggang kerana masing-masing mementingkan diri sendiri bagai enau dalam belukar, melepaskan pucuk masing-masing
- (iii) Bagai isi dengan kuku – Hubungan Aminah dan Sarah sangat rapat bagai isi dengan kuku kerana mereka membesar bersama-sama sejak kecil.

KELANTAN

5 Baca dialog di bawah dengan teliti. Kemudian nyatakan peribahasa yang sesuai bagi mengisi tempat kosong dalam dialog tersebut.

- Ibu : Aziz, jagalah diri dan tingkah laku ketika berada di sana. Pandai-pandailah menyesuaikan diri dengan cara hidup mereka. Ikutlah nasihat orang tua-tua, iaitu _____ (i)_____.
- Aziz : Saya akan ingat nasihat ibu ini.
- Ibu : Ibu berharap Aziz belajariah dengan tekun untuk memenuhi cita-cita. Setelah tamat belajar dan berjaya dalam hidup, jangan lupakan mereka yang pernah berjasa. Sikap buruk ini adalah seperti _____ (ii)_____.
- Aziz : Baiklah ibu.
- Ibu : Jika sudah bekerja, jadilah seorang yang rajin dan tetap berusaha menyiapkan tugas dengan baik walaupun menghadapi pelbagai rintangan kerana _____ (iii)_____.

[6 markah]

Skema

Soalan 5 - Peribahasa

Peribahasa lain yang sama / hampir sama

- (i) - di mana bumi dipijak, di situ langit dijunjung
- masuk kandang kambing mengembek, masuk kandang kerbau menguak
- di mana ranting dipatahkan, di situ air tersauh
- (ii) - kacang lupukan kulit
- melepaskan anjing tersepit
- mayang menolak seludang
- (iii) - gengam bara api biar sampai jadi arang
- alang-alang mandi biar basah
- alang-alang berdakwat biar hitam
- alang-alang berminvak biar licin

Maksud

- (i)Hendaklah menurut adat dan aturan tempat yang kita diami.
(ii)Tidak mengenang budi orang yang pernah berjasa padanya.
(iii): Membuat sesuatu pekerjaan itu biarlah hingga selesai/berjaya.

PULAU PINANG

5 Baca petikan di bawah dengan teliti. **Isikan** tempat kosong dengan peribahasa yang sesuai.

Walaupun sudah tua, Sani masih bekerja siang dan malam untuk menyara keluarganya yang hidup dalam kemiskinan. Dia sedar sekiranya dia tidak bekerja walaupun sehari, anak-anaknya pasti akan kelaparan kerana hidup mereka sekeluarga ibarat (i) _____ . Namun begitu Sani tidak pernah berputus asa kerana dia sedar dan percaya (ii) _____ . Dia mahu anak-anaknya memanfaatkan masa dengan bijak kerana (iii) _____ .

SKEMA

Soalan 5 : Peribahasa

- i. kais pagi makan pagi, kais petang makan petang
- ii. kalau tidak dipecahkan ruyung, manakan dapat sagunya / usaha tangga kejayaan / di mana ada kemahuan di situ ada jalan
- iii. masa itu emas

[Maksimum : 6 m

NEGERI SEMBILAN

5 Baca petikan di bawah dengan teliti, kemudian kemukakan **tiga** peribahasa yang sesuai dengan situasi.

Puan Sharifah sering memarahi Syed kerana sikapnya yang suka membuat kerja sambalewa. Televisyen yang dibaiki Syed masih belum berfungsi. Syed sekadar mendengar leteran ibunya tetapi tidak pernah menghiraukan kata-kata ibunya itu. Semua kerja yang dilakukan Syed ala kadar sahaja dan tidak bersungguh-sungguh. Bukan sahaja malas, malah Syed juga tidak mempunyai kemahiran. Televisyen yang cuba dibaiki Syed bukannya bertambah elok malahan bertambah rosak.

SKEMA

Soalan 5 – Peribahasa

1. melepaskan batok di tangga / melepaskan batok di tangga
2. masuk telinga kanan, keluar telinga kiri / seperti mencurah air ke daun keladi / seperti hujan jatuh ke pasir
3. bagai tikus membaiki labu

[Maksimum: 6 markah]

3. bagai tikus membaiki labu–Hendak membetulkan barang yang tiada diketahui, akhirnya semakin rosak.

YAYASAN ISLAM KELANTAN

5. Baca petikan di bawah dengan teliti, kemudian isikan **tiga peribahasa** yang sesuai dengan situasi dalam petikan tersebut pada ruang kosong yang disediakan.

Murid-murid Tingkatan 5 Betta tekun menyelesaikan tugas biarpun sukar kerana mereka sedar bahawa.....(i).....iaitu lama-kelamaan perkara yang sukar itu akan senang kerana selalu dibuat. Guru tingkatan mengingatkan mereka agar tidak bertanggung atau berlengah-lengah untuk menyiapkan tugas kerana(ii)....."Murid tidak boleh memberi pelbagai alasan jika ingin mencapai impian, berusaha dengan gigih dan jangan mengalah kerana(iii).....,"nasihat guru tingkatan mereka lagi.

[6 markah]

SKEMA

SOALAN 5 – PERIBAHASA

BIL	PERIBAHASA
(i)	alah bisa tegal biasa
(ii)	bertanggung itu pencuri masa
(iii)	di mana ada kemahuan, di situ ada jalan

[6 markah]

SELANGOR

- 5 *Baca petikan di bawah dengan teliti. Kenal pasti dan nyatakan peribahasa yang sesuai bagi ayat-ayat yang bergaris dalam petikan.*

Kebiasaannya, ibu bapa akan mula mendidik anak-anak mereka untuk mencapai kecemerlangan dalam bidang akademik sejak kecil lagi. Hal ini berlaku demikian kerana ibu bapa bimbang akan peluang anak mereka untuk mendapatkan pekerjaan kolar putih selepas menamatkan pengajian. Oleh sebab itu, ibu bapa dan anak-anak perlu membuat persiapan awal bagi menghadapi cabaran pada masa depan. Sehubungan dengan itu, kerajaan telah memberikan penekanan terhadap Pendidikan dan Latihan Teknikal bagi melahirkan murid yang berkemahiran. Perubahan ini telah membuka peluang yang besar kepada murid teknikal supaya mereka dapat bersaing dengan murid-murid yang mengikuti pendidikan arus perdana.

[6 markah]

SKEMA

Soalan 5 – Peribahasa

- i. Melentur buluh biarlah dari rebungunya
- ii. Menyelam sambil minum air
- iii. Duduk sama rendah berdiri sama tinggi

[Maksimu

PAHANG

- 5 *Baca petikan di bawah dengan teliti, kemudian isi tempat-tempat kosong dengan peribahasa yang sesuai.*

Kamal dan Amar merupakan dua sahabat yang sangat rapat _____. Mereka selalu kelihatan bersama-sama melakukan pelbagai aktiviti seperti bermain, belajar dan bersiar-siar. Hubungan baik mereka sentiasa menjadi _____ masyarakat kampung dan sering dijadikan teladan. Walaupun mereka kelihatan sangat serasi namun mereka juga pernah berselisih faham kerana _____. Walau bagaimanapun, perselisihan tersebut dapat diselesaikan dengan baik.

[6 markah]

SKEMA

Soalan 5 – Peribahasa Isi tempat-tempat kosong

1. Seperti isi dengan kuku / bagai dakwat dengan kertas / bagai lesung dengan antan / ke bukit sama didaki ke lurah sama dituruni / ke bukit sama didaki ke laut sama direnangi
2. Buah mulut
3. Laut mana yang tidak berombak, bumi mana yang tak ditimpa hujan / tak ada laut yang tidak berombak / sedangkan lidah lagi tergigit

[Maksimum : 6 markah]

MAKSUD

1. Persahabatan yang sangat akrab.
2. perkara yang menjadi perbualan ramai
3. Segala usaha tetap ada kesukaran dan bahayanya./Suami isteri, kaum keluarga, sahabat handai, ada kalanya berselisih juga

JOHOR(PASIR GUDANG)

5. Peribahasa

Baca petikan di bawah dengan teliti kemudian isi tempat kosong dengan peribahasa yang sesuai.

Dalam kehidupan bermasyarakat, terutama di kawasan perumahan kita seharusnya sentiasa bersatu padu dalam melakukan sesuatu perkara dan tidak hanya mementingkan diri sendiri ibarat _____. Kesannya masyarakat hidup dalam suasana yang harmoni. Tugas yang sukar atau rumit pasti akan menjadi senang apabila dilakukan bersama-sama kerana _____. Dalam hal ini, ibu bapa perlu menunjukkan contoh yang baik kepada anak-anak supaya boleh diteladani dalam kehidupan mereka kerana _____.

Dipetik dan diubah suai daripada 'Program Interaksi KPM Masyarakat
Oleh Wan Nur Zuhaira Ali
Majalah Pendidik 2018
(6 markah)

SKEMA

Soalan 5 – Peribahasa

- (i)
- Enau dalam belukar, melepaskan pucuk masing-masing
- (ii)
- Berat sama dipikul, ringan sama dijinjing
 - Bukit sama didaki, lurah sama dituruni
 - Berat sepikul, ringan sejinjing
 - Kuah sama dihirup, sambal sama dicolek
 - Laba sama dibagi, rugi sama diterjuni
- (ii)
- Bagaimana acuan, begitulah kuihnya
 - Ke mana tumpahnya kuah kalau tidak ke nasi
 - Rebung tidak jauh dari rumpun
 - Bagaimana contoh, begitulah gubahannya
 - Bagaimana rupa, begitulah bayangnya

MELAKA

Baca petikan di bawah dengan teliti. Kemudian kemukakan **tiga peribahasa** yang menggambarkan situasi dalam petikan di bawah.

- Aliya : Kak Mira, bolehkah kakak berkongsi tentang pengalaman kakak ketika belajar di luar negara?
- Mira : Boleh, Aliya. Ketika mula-mula sampai di Universiti di Melbourne, Australia, kakak _____ (1) _____ kerana perbezaan budaya dan bahasa.
- Aliya : Pasti banyak perkara baru yang dapat kakak pelajari.
- Mira: Sudah tentu, Aliya. Sebagai anak dagang, kita hendaklah bijak menyesuaikan diri dengan keadaan di sana kerana _____ (2) _____.
- Aliya : Seronoknya jika saya dapat menyambung pelajaran di sana.
- Mira: Tentulah, Aliya. Namun begitu, menyambung pelajaran di dalam negara juga ada kelebihan kerana _____ (3) _____.

SKEMA

Soalan 5 – Peribahasa

- (i) seperti rusa masuk kampung
- (ii) masuk kandang kambing mengembek, masuk kandang kerbau menguak
- (iii) hujan emas di negeri orang, hujan batu di negeri sendiri, lebih baik di negeri sendiri

[Maksimum : 6 ma

MAKSUD

(i) Berasa hairan dan tercengang-cengang apabila berada di tempat yang baru

TERENGGANU

5 Baca petikan dialog di bawah dengan teliti. Kemudian isikan tempat-tempat kosong dengan peribahasa yang sesuai mengikut situasi.

Zamri : Kini masyarakat sangat gemar menggunakan bahasa rojak ketika berkomunikasi.

Norzi : Ya betul tu. Media massa pun tidak cakna dalam penggunaan bahasa yang betul.

Zamri : Pada pendapat saya, orang yang sayang akan bahasanya, pasti akan menggunakannya dengan betul pada setiap masa kerana _____ (i) _____

Norzi : Saya amat setuju dengan pendapat awak. Media massa mestilah bersungguh-sungguh untuk mendaulatkan bahasa kebangsaan tanpa banyak alasan, bak peribahasa _____ (ii) _____

Zamri : Selain itu, surat khabar dan majalah turut memainkan peranan sebagai saluran penyampaian idea dan kritikan dengan lebih berkesan kerana _____ (iii) _____

SKEMA

Perhatian bagi Soalan 5

1. Berikan 2 markah bagi setiap peribahasa yang dapat dinyatakan dengan tepat.

Bil.	Peribahasa	Ma
1	Bahasa menunjukkan bangsa / bahasa jiwa bangsa	
2	Hendak seribu daya, tak hendak seribu dalih / di mana ada kemahuan, di situ ada jalan	
3	Mata pena lebih tajam daripada mata pedang	

3) mata pena lebih tajam daripada mata pedang
» kata-kata yang tertulis lebih tepat dan bermakna daripada perkara lain.

SARAWAK(SMK MERADONG)

Soalan 5: Peribahasa

Baca dialog di bawah dengan teliti, kemudian nyatakan dua peribahasa yang sesuai bagi mengisi tempat kosong dalam dialog tersebut.

Cikgu Ali: Sebagai rakyat negara yang sudah merdeka, kita berhak menentukan hala tuju negara, kita akan dianggap _____ seperti kerana _____ (i) _____ hanya mengikut kehendak orang lain.

Prof. Husin: Ya cikgu, generasi muda perlu sedar akan tanggungjawab mereka mempertahankan negara dan sanggup berkorban sehingga titisan darah yang terakhir .

Cikgu Ali: Saya bersetuju dengan Profesor, kita mengharapkan generasi muda di negara ini dapat meneruskan legasi negara supaya setanding dengan negara maju yang lain seperti peribahasa _____ (ii) _____

SKEMA

Soalan 5 : Peribahasa

- (i) Kerbau dicucuk hidung
- (ii) Duduk sama rendah, berdiri sama tinggi.

[Maksimum : 4 markah]

(i)Orang yang mengikut sahaja suruhan orang lain.

SELANGOR SET 2

Baca petikan di bawah dengan teliti, kemudian isi tempat kosong dengan peribahasa yang sesuai.

Taufik lahir dalam keluarga yang miskin dan serba kekurangan bak kata peribahasa _____ (i) _____. Pendapatan ayahnya sebagai seorang nelayan tidak menentu dan bergantung pada rezeki hari berkenaan, malah kadang-kadang ayahnya pulang dengan tidak membawa apa-apa hasil tangkapan. Keadaan ini dapat diibaratkan dengan peribahasa _____ (ii) _____. Demi cita-cita untuk mengubah nasib keluarga, ayah Taufik telah mengikuti kursus Perusahaan Kecil dan Sederhana (PKS). Akhirnya, berkat daripada usaha gigih mereka sekeluarga, kini kehidupan mereka semakin senang sehingga berjaya membuka kedai yang berasaskan produk laut. Situasi tersebut sangat bertepatan dengan peribahasa _____ (iii) _____.

SKEMA

Soalan 5 – Peribahasa

(i)	kais pagi makan pagi, kais petang makan petang/ bagai kerakap tumbuh di batu, hidup segan mati tak mahu	2
(ii)	untung sabut timbul, untung batu tenggelam/ asal sabut terapung, asal besi tenggelam	2
(iii)	usaha tangga kejayaan/ berakit-rakit ke hulu, berenang-renang ketepian, bersakit-sakit dahulu, bersenang-senang kemudian/ kalau tidak dipecahkan ruyung, manakan dapat sagunya	2

2) Untung-untungan; kalau bernasib baik tentu selamat, kalau bernasib malang tentu jatuh.